

Kalaallit Nunaanni Ilinniarnertuunngorniarfimmi ilinniartut pillugit Namminnersornerullutik Oqartussat nalunaarutaat

Kalaallit Nunaanni Ilinniarnertuunngorniarfik pillugu Peqqussut nr. 108 17. februar 1992-imeersoq, § 14, imm. 3 aamma 4 kiisalu § 16, imm. 1, pkt. 5 aamma Kalaallit Nunaanni Ilinniarnertuunngorniarfik pillugu aamma ilinniarnissamut piareersaataasumik ilinniartitsissutinik ataasiakkaanik ilinniartitsineq pillugu Ilinniartitaanermut ministereqarfiup nalunaarutaa nr. 360 11. maj 1992-imeersoq, § 24, imm. 2, kiisalu sunngiffimmi sammisassaqtitsineq pillugu Inatsisartut peqqussutaat nr. 5 9. april 1992-imeersoq, § 11, naapertorlugit aalajangersarneqarput:

Kapitali 1.

Ilinniartitsissutinik ataasiakkaanik ilinniartitsineq.

§ 1. Ilinniarnertuunngorniarfiit ilinniartitsissutinik ataasiakkaanik ilinniartitsinermik atuarfeqarfimminni ingerlataqalertarsinnaapput. Piumasaqaataangilaq Ilinniarnertuunngorniarfimmi ilinniartitsissutit aalajangersimasut neqeroorutigineqartarnissaat, kisianni pikkorissartut sapinngisamik periarfissinniarneqartassapput Ilinniarnertuunngorniarfimmi soraarummeernissamut piumaSctrineqartut; tamakkerlugit naammassinninniartarnissaannut.

Imm. 2. Ilinniartitsissutinik ataasiakkaanik ilinniartitsineq ingerlanneqarsinnaavoq ukiuni pingasuni ilinniarnermi ilinniartitsinermut peqatigitillugu.

Imm. 3. Kommunini Ilinniarnertuunngorniarfeqanngitsuni sunngiffimmi sammisassaqtitsinermut inspektørip/sunngiffimmi sammisassaqtitsinermut pisortap ilinniartitsissutinik ataasiakkaanik ilinniarnissamut qinnuteqaatit tigussassavai ingerlateqqittassallugillu Ilinniarnertuunngorniarfimmut.

Imm. 4. Illoqarfinni Ilinniarnertuunngorniarfeqartuni qinnuteqaatit Ilinniarnertuunngorniarfimmut tunniunneqartassapput: tassanilu oqaloqatigiissutigineqartassallutik.

§ 2. Ilinniartunngortitsineq, ilinniartitsinissaq soraarummeersitsinissarluk aqqissuunneqartassapput Kalaallit Nunaanni Ilinniarnertuunngorniarfik nalunaarutillu tamatumunnga tunngasut pillugit Peqqussut nr. 108 17. februar 1992-imeersoq naapertorlugu.

§ 3. Rektori ilinniartitsinerup allaffimmi suliasanut pædagogimullu tunngasortaanut pisortaavoq.

§ 4. Ilinniarnertuunngorniarfimmi ilinniartitsissutinik ataasiakkaanik ilinniarumalluni qinnuteqarnissamut allattuiffissat immikkut suliarineqarsimasut atorineqassapput. Allattuiffissat taamaattut Ilinniarnertuunngorniarfinnit piniarneqarsinnaapput.

§ 5. Ilinniartitsissutinik ataasiakkaanik ilinniaqatigiit pilersinneqarsinnaapput ilinniarneqartussamut peqataajumasut arfineq-pingasut tiguneqarsinappata. Takkuttartut agguaqatigiissillugit amerlassusii sap. akunnerisa tulleriiginnaat sisamat ingerlaneranni sisamanit ikinnerulerpata ilinniartitsineq

unitsinneqassaaq.

Imm. 2. Rektori aalajangersakkanik imm. 1-imi taaneqartunik sanioqqutsisinnaavoq.

Imm. 3. Pikkorissartoq ilinniarnertuunngorniarnertup ukiuni pingasuni ingerlanerani ilinniartitaanermi ilinniatitsissutini ataatsikkut amerlanerpaamik tallimani peqataasarsinnaavoq.

Kapitali 2.

Ilinniutitut aningaasartuutaasartut.

§ 6. Ilinniarnertuunngorniarnertuunngorniarnertut ilinniartut ilinniartitsissutinillu ataasiakkaanik ilinniartitsinermit pikkorissartut kisitsisaateqqanut ordboginullu aningaasartuutit nanuninneq akilissavaat.

Imm. 2. Imminnut ilinniartittut ilinniutitut tamanut aningaasartuutit namminneq akilissavaat.

Kapitali 3.

Peqataajumalluni nalunaarnermi akiliut.

§ 7. Imminnut ilinniartittut soraarummeernissami peqataajumallutik nalunaarnerminni ilinniartitsissummut siullermut 100 kruunik akiliuteqassapput soraarummeerfullu ingerlanerani ilinniartitsissutitut tulluuttunut tamanut 50 kruuninik akiliuteqartassallutik. Akiliutissat tunniunneqassapput Ilinniarnertuunngorniarnertut soraarummeernermit peqataajumalluni nalunaaruteqarfimmut.

§ 8. Ilinniartitsissutitut ataasiakkaanik ilinniartitaanermit peqataajumalluni nalunaarnermi ilinniartitsissummut ataatsimut 100 kruunit akiliutigineqassapput tunniunneqassallutillu Ilinniarnertuunngorniarnertut.

Imm. 2. Akiliut utertinneqarsinnaanngilaq, ilinniaqatigiit pilersinneqarsimanngippata imaluunniit atorunnaarsinneqarsimanngippata. Ilinniaqatigiit atorunnaarsinneqarneranni akiliut utertinneqarsinnaavoq peqataasunut, ilinniaqatigiit atorunnaarsinneqanngikkallarneranni sapaatit akunnerisa sisamat kingulliit ingerlaneranni ilinniartitsinermit malinnaasimmasunuinnaq.

Kapitali 4.

Atulerfissaa.

§ 9. Nalunaarut una 10. august 1992-imi atortuulissaaq atortuussallunilu ilinniartunut ullup taassuma kingornatigut ilinniarnermik imaluunniit pikkorissarnermit ingerlatsilersunut imaluunniit soraarummeerumallutik nalunaarsimasunut.

§ 10. Ulloq taanna atorunnaassaaq Namminersornerullutik Oqartussat nalunaarutaat nr. 21, 2. juli 1986-
imik ullulerneqartoq.

Namminersornerullutik Oqartussat, ulloq 5. august 1992.

Marianne Jensen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut